

浏阳易氏族谱

卷一

浏阳易氏族谱 (卷一)

愷公像圖



公魏同姓爵上大夫食采易水因賜姓焉

贊曰

於赫我姓系出周京文王世子畢萬封榮傳至愷
祖貴戚上卿食采易水賜姓以分派衍南楚簪纓如
雲追摹圖像凜凜軼羣儼聞俊見萬古揚芬

嗣孫宗潛公申謹識

忠愍公像圖



公諱雄字興長東晉永昌元年以別駕官起義討王敦逆盡節晉謚忠節元至治二年追贈忠愍侯明洪武時晉封宜陽別駕之神祀府縣鄉賢並從祀前五忠祠爲天下易氏始祖

贊曰

公之氣慨可以壯山河 公之精誠可以光日月仰公之像如聞罵賊之聲叩 公之靈恍覩鋤奸之烈英風歷百世而如生芳名播千秋而莫滅廟貌重光馨香允縈後之聞風興感者疇不怵怵然撫懷盡忠報國

清舉人武陵縣教諭瀏陽周忠恕敬撰

潘夫人像圖



東晉永昌元年 夫人聞 公殉難武昌率家人五十口同赴巨湖山下樟樹潭死之

贊曰

亂臣賊子出臣族治城門庭虛世祿誰能內外厲忠貞香名千載猶芳馥當日王敦逞逆謀譙王討之借箸籌我 祖倡義奮忠勇城陷三日巷戰留魏父梟雄時無比生致王敦罵不止殺身成仁願已足未馘逆臣心不死 祖母率眾殲宜陽一家殉難堪悲傷二子遠仕留一綫板輿未奉心彷徨臣死君兮婦死夫綱常大義獨能扶回首茂宏應愧死忠烈一門臣族無 嗣孫湘鄉宗浚公申謹譔

古今難得節與忠俱卓哉 夫人慷慨捐軀太湖山峯巖巖樟樹潭水湛湛千五百年視此閨範 清舉人孝廉方正瀏陽邱之芬惺菴敬譔

亮公像圖



公字明彝後唐莊宗時居江西吉安府太和縣早禾坪爲湖湘各屬發脈祖

贊曰

五龍之一通譜時以重曉明光亮五公爲五龍三唐之遺早禾建宅靈草生芝一支南來大江東去楚水無邊吳山何處淵源遡洄音容惆悵稽首白雲落峯坪上

二十八派孫炳煌敬撰

重公像圖



公字鼎臣唐武宗會昌五年乙丑狀元及第歷官太
理寺評事爲江西各屬開派祖

贊曰

廷評文藻冠絕羣倫會昌初試名亞張濱內廷再考
拔第一人龍章鳳篆大冊高文流傳來禩奕世如新
嗣孫宗浚公申謹撰

歡公像圖



公字子來號慰庵宋眞宗大中祥符時自江西吉安府太和縣歸長沙居甯鄉瀉上爲湖湘各屬始遷開派祖

贊曰

溯我易氏脈出瀏陽六朝唐宋陵谷滄桑播遷江右公念宗邦故里荒蕪乃籍甯鄉瓜綿瓞施徧於湖湘高科峻秩鳳翥鸞翔服疇食德世濟書香瞻仰遺像儒冠士裳非德兼福何熾而昌於後垂裕於前有光
二十六派孫盛傳魯門敬譔

祇公像圖



公字彥章號山齋居士南宋孝宗淳熙十一年甲辰
狀元歷官禮部尚書兼翰林學士封開國男賜祭葬
謚文敏著慶源集爲各屬譜牒標準

贊曰

緬維 先生屹然予邑稽封戶已無雙遡甲科惟第
一傳樓坐以識山樂舉隅而訓易立論定漢臣之勲
猷註經闡元聖之精秘雖相距約五百年而誦遺編
追往蹟猶令人髣髴其神襟氣概於玉堂之江懸鐘
之石茲瞻雅度予後生曷能已乎讚頌之不及
清賜進士出身翰林院檢討武英殿分校三禮館纂
修同邑王坦修敬題

